



Gradonačelnik

Broj: 02-04-2870-4/24

Datum: 03.12.2024.godine

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj: 49/06 i 51/09), člana 50. stav 1. a u vezi sa članom 48. Odluke o komunalnom redu («Službeni glasnik Grada Gradačac», broj: 1/23, 11/23 i 1/24) i člana 39. stav 1. tačka 6. Statuta Grada Gradačac („Službeni glasnik Grada Gradačac”, broj: 10/22), gradonačelnik **o b j a v l j u j e** :

JAVNI POZIV

za zakup kućice za izlaganje, prodaju i prezentaciju proizvoda za vrijeme trajanja manifestacije “Zimski GRAD-ačac”

Komisija za provođenje postupka dodjele u zakup kućica u okviru manifestacije “*Zimski GRAD-ačac*” određena Rješenjem Gradonačelnika broj:02-04-2870-1/24 od 20.11.2024.godine je dana 29.11.2024.godine, nakon otvaranja pristiglih prijava za zakup konstatovala da su samo tri kućice dodjenjene u zakup od predviđenih četiri, te se ovim putem ponovo raspisuje Javni poziv za zakup kućice u okviru manifestacije “*Zimski GRAD-ačac*”.

Manifestacija “Zimski GRAD-ačac” će se održati u periodu od 16.12.2024.godine - 01.02.2025.godine.

Grad Gradačac poziva sve zainteresirane pravne i fizičke osobe da podnesu prijave za zakup kućice za izlaganje, prodaju i prezentaciju proizvoda. Organizator daje u zakup kućicu površine 2,5 x 2 m.

Obaveza je zakupca da kućica budu otvorena svaki radni dan za vrijeme rada klizališta u periodu od 17-22h. Zakupac može koristiti kućicu i mimo navedenog termina. Svako nepoštovanje obaveznog radnog vremena daje Organizatoru pravo poništiti Rješenje o zakupu, uz zadržavanje uplaćenog iznosa naknade.

Ugostiteljska ponuda podrazumijeva tradicionalne vlastite proizvode vezane uz novogodišnje praznike, kao što su razne vrste čajeva, prirodne domaće sokove, džemove, fritule, palačinke i druge slastice, tople sendviče, hot-dogove, hamburgere, pomfrit, pečena krilca, kuhani kukurz i ostala jednostavna jela brze prehrane, kao i zdrave hrane sa ili bez termičke obrade, bez upotrebe roštilja na ugalj.

Zakupci se moraju pridržavati i prodavati one proizvode koje su naveli u opisu svoje ponude, u protivnom daje Organizatoru pravo poništiti Rješenje o zakupu, uz zadržavanje uplaćenog iznosa naknade.

Zakupcu nije dopušteno na vanjskim površinama ispred kućice postavljati vlastite uređaje i opremu bez odobrenja Organizatora.

Početna cijena naknade za korištenje kućice je 200,00 KM za cijeli period trajanja manifestacije. Naknada za zakup kućica se plaća unaprijed.

Prilikom odabira zakupca prednost će imati onaj ko ponudi veći iznos naknade za korištenje kućice. Prioritet pri odabiru zakupca će imati oni koji su se ovim poslom već bavili i koji nemaju dugovanja prema budžetu Grada Gradačac.

U slučaju da se na Javni poziv javi veći broj zainteresovanih lica za zakup kućice, prednost pri odabiru imaju ona lica koja su ranije predala potrebnu dokumentaciju.

Ponuda treba sadržavati:

1. naziv/ime i prezime ponuditelja (adresa sjedišta/prebivališta, ime i prezime odgovorne osobe, telefon);
2. dokaz o izmirenim obavezama prema budžetu Grada Gradačac;
3. obrazac ponude koji se može preuzeti na web stranici Grada Gradačac;
4. detaljni opis vrste ponude koja se nudi;
5. ponuđena cijena.

Organizator će odabranom ponuditelju dodijeliti Rješenje o zakupu kućice.

Izabrani ponuditelj je dužan svoju djelatnost uskladiti s pozitivnim zakonskim propisima, te poštovati propise o javnom redu i miru i komunalnom redu, polazeći od posebnosti ove manifestacije. U slučaju da inspeksijski ili neki drugi nadzor nadležnih tijela utvrdi nepravilnosti u poslovanju zakupca kućice, Organizator ne snosi nikakvu odgovornost za isto.

Odabrani ponuditelj je dužan o svom trošku prigodno ukrasiti kućice novogodišnjim ukrasima tijekom trajanja manifestacije uz saglasnost Organizatora.

Tekst javnog poziva će biti objavljen na radio stanici Gradačac, web stranici i oglasnoj ploči Grada Gradačac,

Ponuditelji su dužni prijavu dostaviti u zatvorenoj omotnici adresiranoj na: Grad Gradačac Husein kapetana Gradašćevića broj 4., s naznakom „Prijava za javni poziv “Zimski GRAD-ačac“.

Prijave koje nisu potpune, te koje ne udovoljavaju gore propisanim uslovima neće se razmatrati. Prijave moraju biti predane do 06.12.2024.godine do 12 sati. Nepotpune i neblagovremeno pristigle prijave neće se razmatrati.

Zakupac je dužan vratiti kućicu po završetku manifestacije u stanju u kakvom ju je primio.

Zakupac je odgovoran za svu štetu koja nastane na kućici te na istoj ne smije raditi nikakve preinake bez odobrenja Organizatora.

Zakupac je dužan svakodnevno održavati čistoću kućice i okolnog prostora i otpad odlagati na predviđeno mjesto.

Nije dozvoljeno davanje kućice u podzakup ili na korištenje trećim osobama.

GRADONAČELNIK
Hajrudin Mehanović